

【丈夫】（科註第三八三頁第三行 第139集 2013年1月22日）

《佛學大辭典》（術語）勇健之人。勇進正道修行不退者。  
《三藏法數》「世間七丈夫」條：「出華嚴經疏」謂能制心離欲，身無過惡，心懷道德，修諸梵行，具此七法，名為世間丈夫也。（梵行，即淨行也。）

一、長壽：長壽者，謂壽命延長，久住世間，能修梵行，故名丈夫。

二、妙色：妙色者，謂形儀英偉，色相端嚴，能修梵行，故名丈夫。

三、無病：無病者，謂宿福深厚，無病少惱，能修梵行，故名丈夫。

四、非半擇迦：梵語半擇迦，華言變。謂有能變男女之形，即五種不男（男根不具之人）之一也。今言非者，非是不男，非僕非女，能修梵行，故名丈夫。

五、智慧：智慧者，謂有智慧，信受正法，身心猛利，能修梵行，故名丈夫。

六、威肅：威肅者，謂威容整肅，發言人所信服，能修梵行，故名丈夫。

七、大宗葉：大宗葉者，謂其家世貴盛，宗支奕葉（奕葉，累世，代代。奕，音易），流芳永久，能修梵行，故名丈夫。